



UPA 2019/20
26. Marts 2019
Bentiaraq Ottosen

Akileraarutit akitsuutillu kiisalu aningaasanik nuussinikkut isertitat pillugit Inatsisartut inatsisaasa assigiinngitsut allanngortinneqarnerinik Inatsisartut inatsisaat nr. xx, xx. xxxx 2019-imeersoq.

(Aningaasaqarnermut Nunanilu Avannarlerni suleqatigiinnermut Naalakkersuisoq)

Naalakkersuisut akileraarutit akitsuutillu kiisalu aningaasanik nuussinikkut isertitat pillugit Inatsisartunut suliassanngortitsipput.

Kalaallit Nunaanni utoqqalinermusiat aamma siusinaartumik sulisinnaajunnaarnersiutillit pillugit nioqqutissat avataaneersut akitsuutaanik aaqqiissuteqarnikkut aningaasanik aallerfissanik nunatta karsianut iluanaarutitaqanngitsumik inuiaqatigiinnilu assinganik eqquinngitsumik akitsuusersuinikkut iluarsartuussisoqalerpoq.

Atassummiit isumaqarpugut tamanna naapertuunnerusoq toqqammavigisariaqaripput, utoqqaat aamma siusinaartumik sulisinnaajunnaarnersiutillit akissarsiai malinnaatinneqassappata. Kalaallit Nunaat utoqqaliffigissallugu orniginartittariaqarparput, tamanna pinngitsoorneqarsinnaanngilaq aningaasanik ileqqaarnikkut aamma utoqqalinermusialinnut siusinaartumillu sulisinnaajunnaarnersiutilinnut qularnaveeqqusiinissatsinnik.

Nioqqutissat avataaniit tikittut akitsuusersunngikkaluarlugit saniatigut imminut pilersornissatsinnut nuna tamakkerlugu inerisaasariaqarpugut, tamanna qulakkeertussaavaa inuiaqatigiit akornanni aningaasanik imminut pilersornitsinnut piffiit aningaasaqarnikkut kaaviaartitsisumik ineriartorsinnaanerit. Ukiorpasuannngortuni utoqqaat atugassarititaasa aamma siusinaartumik sulisinnaajunnaarnersiutillit atugassarititaat annertuumik inuiaqatigiinni apeqqusersorneqartarput, aningaasasaqartinneqarnerallu qularnartarsimalluni.

Nioqqutissat pillugit akigititaasuniit qaffasinnerusumut inuiaqatigiinnut akitsuusersuilissagutta aningaasat aallerfissagut ersinngitsumik inuiaqatigiinnut ajornartorsiutaalissapput, naak tamanna qulakkeerneqaraluartoq pisiniarfinni akigititanit naleqqussaanissaq. Nioqqutissalli inuussutaasinnaanerat killilerujussuussaaq, tamanna akitsuuteqartitsinikkut kisimi qaangerneqarsinnaanngilaq, utoqqaat aamma siusinaartumik sulisinnaajunnaarnersiutillit akigititaanik naleqqussaanermi iluarsartuusinermit.

Taamatut oqaaseqareerluta una siunnersuut ataatsimiititaliami susassaqtumut innersuupparput.